

### 3. Pagsasanay sa Tekstong Nanghihikayat o Persuweysib

**Gawain 1:** Pagsulat ng Journal (Hindi bababa ng 250 ng mga salita)

Bilang isang mambabasa at manunulat, Bakit mahalagang pag-aralan ang tekstong persuuveysib?

Bilang isang mambabasa, manunulat, at mag-aaral, mahalagang pag-aralan natin ang tekstong persuuveysib sa kadahilanang natutuhan natin dito kung paano mangumbinsi ng mga mambabasa gamit ang teksto. Kapag nagamit natin ang tekstong persuuveysib sa ating pang araw-araw na buhay ay tayo ay nagkakaroon ng kakayahang baguhin ang takbo ng isip ng mga mambabasa o partikular sa isang grupo ng tao tungkol sa isyu na mayroong maraming panig. Matutuhan din natin sa tekstong persuuveysib kung ano ang kahalagahan ng pagsunod sa mga proseso ng paggawa nito upang mas maging malinaw at maayos ang daloy ng ating gustong ipahiwatig. Ang tekstong persuuveysib din ang naging daan kaya tayo ay nakakahikayat ng mga mambabasa na paniwalaan ang isang bagay, sundin ang isang bagay, o kampiyan ang isang bagay. Base sa aking karanasan, malaki ang naibigay na tulong ng tekstong persuuveysib sapagkat tinutulungan ako nito upang mas maging epektibo at malaman ang aking nais na ipahatid sa mambabasa at hindi lamang sa pagsasalita na pamamaraan. Nakatutulong din ito upang magkaroon ng isang kalayaan na ipahayag ang isang teorya o opinyon ng isang tao sa pamamagitan ng pagsulat. Kasabay na rin dito ang paglawak ng isang kaisipan o kaalaman ng isang tao na sumusulat o nagbabasa ng isang tekstong persuuveysib. Partikular sa mga mag-aaral, kapag sila ay maraming nababasang opinyon o katotohanan tungkol sa isang isyu, sila ay mas nagkakaroon ng malay at hindi nagiging sarado ang pagtakbo ng kanilang mga kaalaman tungkol sa mga bagay-bagay. Sa madaling salita, mahalagang matutuhan ang tekstong persuuveysib dahil tayo ay nakakasalamuha ng mga isyu sa araw-araw, at kasabay na rin dito ang paghayag ng isang tao sa kaniyang saloobin o opinyon.